



**NAVOIY VILOYATI SPORTNI RIVOJLANTIRISH BOSH BOSHQARMASI  
BOSHLIG'INING BUYRUG'I**

2022-yil "21" - *iyun*

*135-A/F* - sonli

Navoiy shahri

**O'zbekiston Respublikasi Sportni rivojlantirish vazirligining 2022-yil  
13-iyundagi 500-A/F-sonli buyrug'i ijrosini ta'minlash to'g'risida**

O'zbekiston Respublikasi Sportni rivojlantirish vazirligining 2022-yil 13-iyundagi "Korrupsiyaga qarshi kurashish ishlarining samaradorligini oshirish bo'yicha ichki idoraviy hujjatlarni tasdiqlash to'g'risida"gi 500-A/F-sonli buyrug'i ijrosini ta'minlash maqsadida

**BUYURAMAN:**

1. O'zbekiston Respublikasi Prezidentining 2022-yil 12-yanvardagi "Korrupsiyaga qarshi kurashish ishlarining samaradorligini reyting baholash tizimini joriy etish chora-tadbirlari to'g'risida"gi PQ-81-son qarori hamda O'zbekiston Respublikasi Sportni rivojlantirish vazirligining 2022-yil 13-iyundagi 500-A/F-sonli buyrug'i rahbarlik va ijro uchun qabul qilinsin.

2. Mazkur buyruq bilan Sportni rivojlantirish vazirligining ichki idoraviy hujjatlari ishlab chiqilib tasdiqlanganligi inobatga olinsin.

3. Sportni rivojlantirish vazirligining ichki idoraviy hujjatlarga asosan quyidagilar:

a) Sportni rivojlantirish bosh boshqarmasi tizimida korrupsiyaga qarshi kurashish siyosatini belgilash to'g'risidagi nizom 1-ilovaga"

b) Sportni rivojlantirish bosh boshqarmasining tarkibiy va hududiy bo'linmalarida korrupsiyaviy xavf-xatarlarni baholash uslubiyoti 2-ilovaga;

v) Sportni rivojlantirish bosh boshqarmasining tarkibiy va hududiy bo'linmalarida manfaatlar to'qnashuvini boshqarish to'g'risidagi nizom 3-ilovaga;

g) Sportni rivojlantirish bosh boshqarmasining tarkibiy va hududiy bo'linmalariga aloqa kanallari orqali korrupsiyaviy xatti-harakatlar to'g'risida kelib tushgan xabarlarni qabul qilish va ko'rib chiqish reglamenti 4-ilovaga;

d) Sportni rivojlantirish bosh boshqarmasining tarkibiy va hududiy bo'linmalari xodimlarining etika va korrupsiyaga qarshi kurashish sohasida o'qitilishini tashkil qilish to'g'risidagi yo'riqnoma 5-ilovaga;

e) Sportni rivojlantirish bosh boshqarmasining tarkibiy va hududiy bo'linmalarida kontragentlarni tekshirish to'g'risidagi yo'riqnoma 6-ilovaga;

j) Sportni rivojlantirish bosh boshqarmasining tarkibiy va hududiy bo'linmalariga ishga qabul qilinayotgan nomzodlarni tekshirish to'g'risidagi yo'riqnoma 7-ilovaga;

z) Sportni rivojlantirish bosh boshqarmasining tarkibiy va hududiy bo'linmalarida korrupsiyaga qarshi kurashish tartib-taomillarning samaradorligini monitoring va nazorat qilish uslubiyoti 8-ilovaga;

i) Sportni rivojlantirish bosh boshqarmasining tarkibiy va hududiy bo'linmalarida korrupsiyaga qarshi kurashish tizimining holati to'g'risidagi hisobotlarini shakllantirish va taqdim etish to'g'risidagi nizom 9-ilovaga;

k) Sportni rivojlantirish bosh boshqarmasining tarkibiy va hududiy bo'linmalari xodimlarining xodimlarining korrupsiyaviy xatti-harakatlari va odob-ahloq qoidalarini buzish holatlari ustidan xizmat tekshiruvlarini o'tkazish bo'yicha reglament 10-ilovaga muvofiq tasdiqlansin.

4. Tuman (shahar) Sportni rivojlantirish bo'limlari hamda sport ta'lim muassasalari mazkur buyruqning 3-bandida belgilangan ichki idoraviy hujjatlarga asosan o'zlarining korrupsiyaga qarshi kurashish bo'yicha ichki idoraviy hujjatlarini ishlab chiqsin.

5. Ish yurituvchi (I.Xalilova)ga:

a) mazkur buyruq bilan bosh boshqarmaning xodimlarini tanishtirish;

b) mazkur buyruqning nusxasini tizimdagi tuman (shahar) Sportni rivojlantirish bo'limlariga hamda sport ta'lim muassasalariga yuborish vazifalari yuklansin.

6. Mazkur buyruq ijrosini nazorat qilish bosh boshqarma boshlig'i o'rinbosari J.Murtozayev zimmasiga yuklansin.


**Bosh boshqarma boshlig'i**



**O.Raxmanov**

**Kiritdi:**


Bosh boshqarma bosh yuriskonsulti



Z. Farmonov

**Kelishildi:**

Bosh boshqarma boshlig'i o'rinbosari



J. Murtozayev